



保嬰全書

十七

特 別
79
83
17



門武 9
第 83
卷 17



保嬰全書卷十七

明太醫院院使薛己著

痘疹受病之由

痘疹之由因兒在胎食母五臟血穢伏於命門或至天行時氣或驚駭跌撲或飲食所傷因而發之狀類傷寒其症面躁腮赤目胞亦赤呵欠頓悶乍涼乍熱咳嗽嚏噴足稍冷耳冷尻冷多睡睡驚耳後有紅絲赤脉此其候



也五臟各具一証肝藏水疱肺藏膿疱心藏斑脾藏疹歸腎變黑蓋以太陽起於右腎之下煎熬左腎足太陽膀胱寒水夾脊上流上頭下額逆手太陽丙火不得傳道逆於面上故顯是諸症蓋壬癸寒水尅丙丁熱火故也凡瘡疹初起一發便出盡者必重瘡夾疹者半輕半重稀少者輕裏外微紅者輕外黑裏赤者微重外白裏黑者太重瘡端裏黑點如針孔者勢劇也青乾紫陷睡昏汗出不止煩躁熱渴腹脹喘喘大小便不通者困也

痘疹正狀

痘瘡正病蒸熱一日稍涼現斑一日至三日足心齊漸大如珠結成膿窠飽滿漸至蒼蠟色自初紅斑為始計七日當成靨結痂此則言其大略也人有虛實之不同病有淺深之各異脾胃充實血氣調和皆依期而愈若調

治失宜虧損脾胃或寒暄失度必致遷延大抵形勢既正而無他症不必用藥此先哲之格言也鄭氏云凡瘡痘欲出先發熱輕者三日次五日遠者不過七日此約法也一日太陽傳膀胱二日陽明傳胃三日少陽傳膽四日太陰傳脾五日少陰傳腎六日厥陰傳肝七日還經五臟六腑傳遍故七日而止也又有因傷寒至七日以後或已汗或未汗或吐下後熱不除此毒氣盛而未發熱毒入胃發於皮膚成斑者狀如蚊蟲所嚙赤者十生一死黑者十死一生及有胃熱發黃者狀如橘色下利者死又有成隱疹者或白泡者此皆傷寒熱毒不除多變此疾故發斑不可用表汗藥也

痘瘡輕重

輕者作兩三次出大小不等頭面稀少胸前

眼中皆無根窠紅活肥滿光澤形似水珠不
渴瀉不煩躁○重者一齊出密如蠶種頂陷
如茱萸樣或平頭灰白色渴瀉煩躁頭溫足
冷身熱不除治之如法十全八九

輕變重所犯者七

不忌口味不慎飲食致傷脾胃○先曾泄瀉
裏虛毒氣不能發出○冒風寒所謂春夏之
氣為順秋冬之氣為逆大忌感冒風寒損表

○犯房室○餌涼藥宜用滋補血氣壯脾之
藥不宜清涼宣利之劑裏寒則毒氣不能攻
出○穢氣相觸血氣聞香則順聞臭則逆順
則易出易靨逆則難愈○生人輒至恐外人
由生產房屋或臨喪而來或帶醉或食腥氣
因此穢惡之觸皆為害也

重變輕所慎者五

謹避風寒及房內有風亦宜避之惟夏不忌

如遇狂風輒寒亦宜避之。○常和煖寒則添衣熱則減去務得中和毋令太過不及。○節飲食忌柿橘西瓜菱角水蜜等冷物恐內傷胃氣尤忌肥肉油膩恐泄瀉忌鹹物恐作渴忌酒葱蒜魚羊等腥物恐致瘡痒務使脾胃克實其瘡易出易靨也。○大便稠飲食調和不致泄瀉一日二日一次為調日行二三次為利三四日不行為秘。○依方調理避風寒

節飲食詳症用藥庶不致輕變為重矣

不治五症

咳嗽聲啞飲食挫喉。○腹脹氣促悶亂不寧。○渴瀉不止咬牙寒戰。○瘡嫩易破痒塌不止。○紫黑灰色頂陷喘渴。

紅日



一日先退熱放標者必輕又放標

斑

後一日身涼稀密已定仍熱煩躁

標

尚未盡有兩三次出熱方定紅現

現者吉或隱或現者凶

之二日如粟米大稀如紅滿者吉二

圖日頂陷灰白色者次之

標三日尖滿如珠者吉灰白色者次

之

三日必出定已後身反發熱悶亂

煩渴者凶

瘡初發有兩三次出大小不一等先出者

綻如珠先灌漿後出者後灌漿如水珠光

灌活根澤根窠紅活者吉不渴瀉悶煩者

膿不必服藥微渴微痒不瀉者不妨

之亦不須服藥若一齊並出稠密灰

圖白色頂陷煩躁渴瀉者急宜治之

收靨倒已

之圖陷靨

瘡已飽滿如膿窠將收漸至蒼蠟色有等

無膿有黃白色自放標一日為始至七日
收靨至十日收完此為正病有遷延八九
日方靨至十四五日方完亦有之但不瀉
渴悶亂其瘡飽滿無陷手按之堅硬皆好
將收時漸退紅腫或瘡中收靨覺有黃蠟
色或外面先靨根下皺皮男從面收至頭
背女從面收至胸腹收後離肉不粘易脫
俱好有微渴痒痛有身收完足收遲亦不
妨身微熱不能食者亦有之只怕瘡嫩易
破悶亂痒塌者凶

靨 瘡疹收靨之後預宜調理就有出外不
避風寒不節飲食偏無病者莫非胃實
後 體壯亦宜仔細病初痊臟腑初安脾胃
尚弱動止飲食過度復病喘咳腹脹必
餘 凶又血氣尚弱動止太早病復皆凶况
肌肉嬌嫩冒風易得感寒頭痛身熱則

症 危難治矣

腹脹氣促根窠不赤之症

陳文宿先生云痘瘡已出未愈之間或瀉渴
腹脹氣促其瘡不光澤不起發根窠不紅謂
之表虛也先與十一味木香散以和五臟之
氣後與十二味異功散送七味肉豆蔻丸以
助臟腑之氣竊謂痘瘡既出不光澤不起發
不紅活或泄瀉作渴或肚腹作脹或氣促作

寒戰咬牙或手足指冷肢體攣縮作渴飲
湯陽氣虧損內虛寒而外假熱也用十二味
異功散若作渴飲湯手足不冷者脾胃虛弱
也用五味異功散凡痘瘡先出不如式後出
而紅活或成片色赤而穢氣者俱無妨
一小兒出痘四日腹脹瀉渴脾胃虛寒也用
十二味異功散一劑又用參芪內托散貫膿
靨而忽寒熱咬牙此膿貫而陽氣虧損也用

參附湯獨參湯而愈

一小兒痘四日腹脹瀉渴氣促體倦此脾氣虛也用人參白朮散加木香煎送四神丸一服諸症頓止但膿遲作渴此表裏血氣俱虛用參芪四聖散大補湯而愈

一小兒痘瘡作渴腹脹小便不利此邪氣壅滯也用木通芍藥湯一劑諸症稍愈用參芪四聖散其漿漸貫用參芪內托散結靨而愈

一小兒痘瘡將愈腹脹手足或冷或熱此陽氣虛寒也先用十二味異功散手足不冷此陽氣漸復也乃用五味異功散加木香而愈
一小兒痘瘡大便利而小便秘腹脹作喘手足並冷此脾氣虛也先用葶藶木香散一劑又用五味異功散加木香二劑而愈後腹脹不食口角流涎仍用五味異功散而痊
一小兒痘瘡將愈忽腹脹泄瀉侵晨為甚飲

食不化余謂脾腎虛弱朝用人參白朮散夕用二神丸而瀉止又用參芪內托散兼托裡散而靨

一小兒痘瘡腹脹泄瀉飲食不化此脾腎氣虛用人參白朮散豆蔻丸而愈

參芪內托散治神虛發痒瘡不潰倒靨

人參

黃芪炒

當歸

川芎

厚朴薑製

防風各五分

桔梗

白芷

官桂各三分

紫草五分

木香

甘草各三分

右入糯米一撮水煎量服之

寒戰咬牙飲水瀉湯亦宜服之

參芪四聖散治痘瘡已出六七日不能長不

生膿或痒塌

當歸

芍藥炒

黃芪

川芎各五分

白朮

茯苓

紫草

如無紅花代之

木通

防風

各三分

糯米

粒

右水煎母同服

葶藶木香散治大便自利小便澁滯喘嗽腹
脹不能食多服為妙

猪苓

澤瀉

茯苓

白朮

官桂

葶藶

木通

木香

甘草

各五分

滑石

錢二

右水煎量大小服之

木通芍藥湯治痘瘡作渴腹脹小便不利

木通

芍藥

白朮

各五分

川芎

陳皮

乾葛

各三分

甘草

二分

右水煎服

十全大補湯

當歸

川芎

白芍藥

炒

熟地黄

人參

白朮

白茯苓

甘草炙

黃芪炒

官桂各等分

右水煎量兒大小服

參附湯治痘疹陽氣虛寒咬牙寒戰手足並冷或吐瀉不食飲沸湯不知熱用獨參湯加好真附炮如法者每劑先加一錢未應多加之更不應加至四五錢或等分亦無妨但用之以運其陽氣如已脫者不治

獨參湯治陽氣虛弱痘瘡不起發不紅活或膿清不滿或結痂遲緩或痘痕色白或嫩軟不固或膿水不乾或時作痒或畏風寒用好人參一兩生薑五片大棗五枚水二鍾煎八分徐徐溫服嬰兒乳母亦服

胡荽酒

用胡荽一把以好酒二鍾煎一兩沸令乳

母含噴兒遍身頭面并房中須燒胡荽香
能辟除穢氣使痘疹出快若痘疹已出而
飲食少思宜用棗子燃灸兒聞棗香尤能
開胃進飲食解毒氣若因飲食停滯未及
消導者不宜用

托裡消毒散

托裡散

二方見痘癰

七味白朮散

即人參白朮散
方見痘瘡屬陰屬陽

十一味木香散

十二味異功散

二方見痘灰白色

五味異功散

方見痘寒戰咬牙

肉豆蔻

二神丸

四神丸

三方見瀉渴咬牙

發熱口渴煩躁不止之症

二

陳文宿先生云瘡疹始出一日至十日渾身

壯熱大便黃稠是表裏俱實其瘡必光澤起
發必肥滿必易靨而不致損傷也又云痘瘡
發熱口渴煩躁不止者切不可與冷水蜂蜜
柿子西瓜等生物及清涼飲消毒散等藥恐
內損脾胃以致腹脹喘滿寒戰咬牙則難治
竊謂前症若二便自調飲食溫和口渴飲湯
手足不熱是為虛熱不可食生冷之物若二
便秘結飲食喜冷口渴飲水手足並熱是為
實熱可與冷水飲之凡痘出而熱未止者既
出盡則熱自止

一小兒腹脹發熱密而根顆不明色不紅活
漿不滿先君謂脾氣虛而毒未盡也用參芪
四聖散痘果復出熱止紅活分明又用參芪
內托散而靨

一小兒腹脹作渴發熱成片先君謂脾氣虛
弱痘毒未盡用參芪四聖散二劑先出者貫

漿後出者穢氣而愈

一 小兒痘腹脹二便自利手足並冷先君云脾胃虛寒用十二味異功散一服又用五味異功散加木香二劑却去木香又一服而痊

一 小兒痘瘡發熱作渴此痘出未盡脾胃虛而熱也用人參麥門冬散一劑痘復出而熱渴止用人參白朮散而飲食進用參芪四聖散而漿潰用托裡散而瘡靨

一 小兒痘腹脹足冷內熱作渴此胃氣虛而津液不足也余先用五味異功散二劑又用參芪四聖散膿貫用人參白朮散而靨

一 產婦出痘寒戰咬牙腹脹作渴足冷身熱此脾胃內虛寒而外假熱先用十全大補湯加桂附四劑乃去附易乾薑又四劑却用參芪四聖散五味異功散加歸芪而靨

一 姪婦出痘發熱足冷腹脹此脾氣虛弱而

毒未發也用紫草木香散及用八參湯而貫
膿倍加參芪又數劑而愈

人參麥門冬散一名麥門冬散治痘瘡發渴

麥門冬一兩 人參 甘草

陳皮 白木 厚朴薑製各半兩

右每服三錢水煎量兒大小加減

按前方若因熱毒作渴宜用之若因中氣
虛弱作渴當用人參白木散

紫草木香散治痘瘡裏虛痒塌黑陷發熱

紫草 茯苓 甘草

白木 木香 人參各等分

糯米

右每服三錢水煎

清涼飲方見大便不通

人參白木散方見發熱屬陰屬陽

托裏散方見痘癰

十全大補湯

方見腹脹氣促

十一味木香散

十二味異功散

二方見痘灰白色

參芪四聖散

方見腹脹氣促

八珍湯

方見頂陷灰白色

痘瘡出遲屬各經所主

三

陳文宿先生云痘瘡出不快誤言毒氣壅盛

用藥宣利解散致臟腑受冷榮衛澁滯則氣

血不能充貫其瘡不起發不光澤不充滿不

結實不能成痂多致痒塌煩躁喘渴而死竊

謂海藏云痘瘡出不快如身後出不快者足

太陽經也用荆芥甘草防風湯身前出不快

者足陽明經也用升麻葛根湯身側出不快

者足少陽經也用防風芍藥甘草湯若便利

調和而出不快者熱在表也宜葛根湯微發

之又有上中下三部先上部次中部又次下

部統出齊而自愈又有作三次而出者錢氏
云三日不快不出用消毒之藥仍不出脉平
靜者本稀也不必服藥大凡五六日間當解
毒補托以盡發於表七八日間毒氣不能盡
出而反入於內必用藥驅出之痘疹方云瘡
出遲而小便澀滯咳嗽有痰用仙聖散出而
不長隱於肌膚用人參透肌散色赤而出不
快用紫草透肌散出而不勻用升均湯出而
不長不貫用參芪四聖散出而色不紅活用
紫草快斑湯出而小便赤澀用紫草木通湯
出而漿不回用參芪內托散若色赤而兼痒
者屬血虛有熱用四物牡丹皮色白而兼痒
者屬氣虛有熱用五味異功散加當歸木香
若發熱大便秘者用犀角消毒散發熱大便
調和者用人參麥門冬飲寒戰渴瀉飲沸湯
口不知熱用十二味異功散作渴飲冰雪口

不知寒用四順飲地黃丸手足不冷飲湯溫
和者用五味異功散或托裏散

一小兒發熱痘出身涼根顆紅活余謂表裏
血氣皆實而不用藥後果然凡三四日前先
發熱而痘出或熱一次涼一次而痘出者毒
勢輕也皆不必用藥其血氣實而托裏血氣
虛而宣毒者多致有誤

一小兒痘出不快色欠紅活此血氣虛弱用

參芪四聖散出而色赤再劑色紅活起發又
用透肌散而靨

一小兒第九日痘將靨而熱不止脉滑而數
皆為不治先君謂痘未盡耳非敗症也遂用
快斑湯一劑果出一番至十七日而痂落
一男子發熱咳嗽嚏噴面燥腮頰目胞皆赤
遍身赤癩余謂此心臟痘疹之狀也彼因疑
惑而未用藥餌旬餘赤癩皆為膿疱且紅活

起發余謂痘疹明矣既紅活發起不必服藥
至十七日大便下膿血瘡痂而痊

紫草透肌散治痘瘡色赤不快或痒塌

紫草

蟬蛻

木通

芍藥

甘草

炙各等分

右每服三錢水煎

人參透肌散治痘瘡虛而有熱雖能出快長
不齊整隱於肌膚間者

人參

紫草

如無紅花代之

白朮

茯苓

當歸

芍藥

木通

蟬蛻

甘草

糯米

各等分

右每服三錢水一盞半煎半盞徐徐服

紫草木通湯治痘疹出不快小便赤澀

紫草

木通

人參

茯苓

糯米

各等分

甘草

減半

右每服二錢水煎

防風芍藥甘草湯

防風

芍藥

甘草

右每服一二錢水煎

荆芥甘草防風湯

荆芥

甘草

防風

各等分

右每服一錢水煎

升均湯治痘瘡已出不均或吐瀉熱渴

升麻

乾葛

芍藥

人參

白朮

茯苓

甘草

紫草茸

加無紅花代之

右每服三五錢薑水煎量服之

四物湯治痘瘡血虛發熱或煩躁不寐作痒

色赤

當歸

熟地黄

各二錢

芍藥

炒

川芎

各一錢

右水煎服

仙聖散治痘出不快小便赤澁咳嗽有痰

紫草

枳殼

黃芪

甘草

木通

各等分

右每服二錢水煎

十二味異功散

方見頂陷灰白

葛根湯

參芪內托散

二方見腹脹氣促

升麻葛根湯

方見水痘麻痘

紫草快斑湯

方見大便不通

四物湯

方見痘瘡出遲

人參麥門冬散

方見前

參芪四聖散

方見腹脹氣促

五味異功散

方見寒戰咬牙

犀角消毒散

方見痘疥

清涼飲

方見大便不通

地黄丸

方見痘瘡發熱屬陰屬陽

泄瀉咬牙作渴之症

四

陳文宿先生云痘瘡瀉水穀或白色或淡黃者宜服十一味木香散送肉豆蔻丸若瀉多津液內耗血氣不榮其瘡雖起發亦不能結靨如身溫腹脹咬牙喘渴者難治緣津液枯耗而飲水不止蕩散真氣故多死也速與十一味木香散救之如不愈急用十二味異功

散竊謂豆蔻丸治陽氣虛寒滑瀉之澁劑也

腎主大便若因腎氣不固而致前症者宜用十一味木香散或六君子湯送四神丸若欲瀉不瀉脾氣虛而下陷也用補中益氣湯加肉豆蔻飲食不化手足並冷脾氣虛寒也用四君子湯加附子
一小兒出痘泄瀉腹脹煩渴飲沸湯而不知熱先君謂陽氣虛寒用十一味木香散二劑

泄瀉頓止飲湯嫌熱此陽氣復也乃用六君
乾薑木香歸芪而屬

一小兒痘瘡愈後泄瀉飲食不化此脾腎氣
虛用六君補骨脂肉豆蔻瀉止用參芪四聖
散接補元氣而痊

一小兒發熱飲冷唇舌皴烈瀉糞穢臭先君
以為內蘊用前胡枳殼散一劑稍愈又用竹
葉石膏湯加漏蘆乳母服之其兒頓安

一小兒痘後作瀉久不愈而肌體骨立此脾
腎虛弱也用二神丸五味異功散漸愈因停
食吞酸作瀉肚腹重墜此脾氣下陷也先用
補中益氣湯為主佐以五味異功散漸愈又
用參芪四聖散托裡散治其瘡而痊

一小兒出痘發熱躁渴色黯出血足熱腰痛
此脾腎虛熱用聖濟犀角地黄湯一劑却用
地黃丸料數劑而貫又用參芪內托散而痊

一 小兒痘瘡將愈侵晨泄瀉飲食不化余以
為腎瀉朝用補中益氣湯夕用二神丸而愈
四神丸治脾腎虛弱大便不化飲食不思或
泄瀉腹疼等症

肉豆蔻

二兩

補骨脂

四兩

五味子

二兩

吳茱萸

浸炒
一兩

右為末用水一鍾生薑八兩紅棗一百枚
煮熟取棗肉丸小豆大每服二三十丸食

前白湯下去五味子吳茱萸名二神丸

二神丸治瘡瘍因脾腎陰虛泄瀉

補骨脂

四兩

肉豆蔻

二兩
生用

右為末用紅棗四十九枚生薑四兩水一
鍾煮乾取棗肉丸桐子大每服二三十丸
白滾湯下

肉豆蔻丸治瀉水穀或白或淡黃不能止者

木香

縮砂仁

各二錢

白龍骨

煨

訶子肉

肉豆蔻

各半兩

赤石脂

枯白礬

各七錢半

右為末糊丸黍米大一周歲每服三五十九三歲兒服百丸米飲下瀉甚者煎木香散或異功散送下

竹葉石膏湯治痘瘡胸中煩熱小便赤澀口

乾作渴兼有赤斑者亦宜服犀角散

方見頂陷

心煩

七味白朮散

即人參白朮散方見後

六君子湯

四君子湯

十一味木香散

十二味異功散

四方見痘瘰白色

托裡散

方見痘癰

五味異功散

方見寒戰咬牙

前胡枳殼散

方見涕唾稠粘

痘瘡發熱屬陰屬陽之異 五

陳文宿先生云痘瘡之症有陽盛陰虛有陰盛陽虛陽盛者飲冰雪而不知寒陰盛者飲沸湯而不知熱陽盛則補陰用木香散加丁香官桂陰盛則補陽用異功散加木香當歸竊謂經云大寒而甚熱之不熱是無火也當益火之源以消陰翳大熱而甚寒之不寒是無水也當壯水之主以制陽光若前症發熱

作渴手足並冷大便自利喜飲熱湯此陰盛也宜用十二味異功散八味丸若發熱作渴大便秘結手足並熱喜飲冷水此陽盛也宜用四順散六味丸若煩熱作渴面赤睛白此為腎經虛熱宜用地黃丸之類治之及時亦有生者京師小兒出痘或作渴喜飲冷水者恣與飲之再不服藥如期而愈亦無痘毒之患蓋北方人卧火坑飲燒酒有熱與水相構

而然也小兒面色目睛多白者乃稟腎氣虛也出痘必作渴用地黃丸煎與恣飲多有生者

一小兒痘寒戰咬牙瀉渴腹脹手足並冷時當仲夏飲沸湯而不知熱此脾胃虛寒之極也先用十二味異功散一劑頓安又用六君附子一劑後用五味異功散而愈

一男子出痘色紫作渴飲水腰痛足熱耳聾此稟腎氣不足用加減八味丸料煎與恣飲熱渴頓止佐以補中益氣湯加五味子麥門冬滋其化源而愈

一小兒十四歲出痘色黯兩足及腰熱痛便秘咽乾口渴引飲先君謂稟腎不足用加減八味丸料作大劑煎與恣飲至二斤諸症悉退又佐以益氣湯及八珍湯各十餘劑而痊一小兒痘瘡發熱作渴腹脹寒戰咬牙飲水

雪而不知寒悉似火症但兩足並冷此陽氣
虛寒也先用十二味異功散一劑隨用五味
異功散加薑桂漸愈乃去桂又二劑而痊
六味地黄丸治腎虛痘瘡發熱作渴等症

熟地黄八兩 山藥肉各四兩

澤瀉 白茯苓 牡丹皮各三兩

右為末入地黃膏量加米糊丸如小豆大

煎服尤好

七味白木散一名人參散 治胃氣虛弱或因尅

伐或因吐瀉口乾作渴飲食少思如飲冷
者去木香

藿香 白木 木香

白茯苓 甘草炙 人參

乾葛

右每服五錢水煎徐徐服

八珍湯

十一味木香散

十二味異功散

三方見痘灰白色

補中益氣湯

五味異功散

二方見寒戰咬牙

加減八味丸

即六味地黃丸加五味子肉桂

清涼飲

方見大便不通

痘瘡大便不通之症 六

陳文宿先生云痘疹四五日不大便以肥猪

滕白水煮熟切豆大五七塊與食之滋潤臟

腑瘡痂易落切不可妄投宣利之藥恐真氣

內虛瘡毒入裡如六七日身壯熱不大便其

脉緊盛與三味消毒飲微利之竊謂前症若

毒在肌肉而未能盡發脉浮而緊者最宜此

藥疎解其毒若脉沉而緊者宜用前胡枳殼

散疎通毒氣以絕其源若口舌咽喉腫痛瘡

毒甚也用射干鼠粘子湯若大便既通作渴

飲湯脾胃氣虛也用人參白朮散凡燥糞在直腸不能下者宜用猪膽汁導之忌用疎利之劑恐復傷胃氣則瘡未出者不能發出已出者不能貫鬻大抵分辯虛實當以手足冷熱或飲水飲湯驗之

一小兒大便不通痘赤作痛發熱口渴手足並熱此餘毒內作用前胡枳殼散一劑大便隨通諸症頓退又與六味活血散而愈

一小兒痘瘡發熱作渴嫩赤脹痛大便秘結此熱毒在內先用清涼飲一劑諸症稍退又用鼠粘子湯一劑諸症全退再用紫草快斑湯而貫膿更用消毒飲而痘靨

一小兒痘赤狂喘大便不利此胃經有熱先君治以犀角地黄湯芹菜汁而痊

四順清涼飲治積熱頰赤作渴四肢驚掣大便秘澁

赤芍藥

當歸

甘草

大黃各等分

右每服一錢水煎

按清涼飲乃苦甘疎瀉內熱之劑若熱毒在內大便不通表無他症宜用之連翹飲乃苦寒發表內疎之劑若表裡實熱煩渴飲冷大便不通小便秘結者宜用之不可過劑恐妄發則成斑爛妄下則成虛脫也

消毒飲

荆芥二錢

防風

牛蒡子各一錢五分

甘草一錢

右水煎量服之

射干鼠粘子湯方見痘咽痛

三味消毒散

人參白朮散二方見靨發熱

前胡枳殼散方見涕唾稠粘

六味活血散

方見痘癰

紫草快斑湯

清涼飲

消毒飲

三方見大便不通

犀角地黄湯

方見頂陷心煩

欲靨不靨欲落不落之症

七

陳文宿先生云痘瘡自始出至十三日當忌外人恐有卒暴風寒穢惡或狐臭之氣觸之

父母仍忌房事若痘欲靨不靨其痂欲落不落若腹脹煩渴忌食水蜜生冷之物若食之轉渴而死急與木香散救之如身熱煩渴者宜服人參麥門冬散身熱大渴人參白朮散如不愈仍服木香散竊謂前症乃脾胃氣虛津液不足所致非實熱為患也如身熱煩躁手足發熱脾胃有熱也用人參麥門冬散身熱作渴手足微冷者脾胃氣虛也用人參白

木散腹脹泄瀉或寒戰咬牙脾胃虛寒也用
十一味木香散泄瀉氣促手足並冷脾氣脫
陷也用十二味異功散凡瘡結痂作靨皆由
元氣克實而內融也若審見虛弱便與滋補
血氣無虧可保終吉若見不靨而投補劑恐
不及而誤矣

一小兒十二歲出痘不靨腹脹泄瀉不食手
足並冷先君謂脾氣虛寒用十一味木香散
一劑諸症頓愈再劑不時索食但惡寒此脾
氣猶虛也用五味異功散加木香及六君子
湯而諸症愈又用參芪內托散而痂脫

一男子三十歲遍身發熱作痛有赤顆旬餘
始知為痘用參芪四聖散托裡散各四劑欲
靨不靨用十全大補湯數劑而痂脫

一妊婦出痘月餘欲靨不靨面赤晡熱此肝
脾血虛而有熱也先用加味逍遙散熱退又

用八珍牡丹皮而熱止但氣血皆虛用十全大補湯而痲脫

一小兒出痘貫膿不靨症如實熱余謂血氣虛甚之假熱也用十全大補湯數劑漸愈忽又惡寒余又曰此邪氣退而真氣遂見虛象也仍用前藥內參芪各五錢數劑而愈

十全大補湯治稟賦不足寒熱自汗食少體瘦發熱作渴頭痛眩暈方見氣促

逍遙散

即加味逍遙散去牡丹皮山梔

治乳母肝脾有熱致

痘瘡欲靨不靨欲落不落

當歸

甘草

炙

芍藥

酒炒

茯苓

白朮

炒

柴胡

各一錢

右水煎母子同服

十一味木香散

十二味異功散

一方見痘灰白色

六君子湯

方見痘灰白色

五味異功散

方見寒戰咬牙

人參麥門冬散

方見發熱口渴

人參白朮散

方見醫發熱

參芪托裡散

托裡散

二方見痘癰

涕唾稠粘大便堅實之症

陳文宿先生云瘡痘涕唾稠粘身熱鼻乾大便如常小便黃赤用人參清膈散如痰實壯

熱胸中煩悶大便堅實卧則喘急用前胡枳殼散竊謂前症若肺胃實熱氣鬱痰滯或大便秘結小便赤澀煩渴飲冷宜用人參清膈散表散外邪疎通內熱使邪不壅滯若毒蘊臟腑大便秘結用前胡枳殼散疎導其裡調和榮衛使邪自解散若痰嗽涕唾鼻塞不利宜用惺惺散或參蘇飲發散外邪庶元氣不傷痘瘡輕而易愈

一 小兒痘瘡涕唾稠粘鼻塞不利此風邪所傷肺用參蘇飲一劑稍愈又用惺惺散而痊
一 小兒痘赤壯熱痰甚煩躁飲冷此脾肺實熱用人參清膈散頓退又用芹菜汁而靨
一 小兒痘瘡作渴飲冷痰涎不利此上焦熱毒所致先君用人參清膈散犀角地黃湯各一劑熱退痰清又用四聖散而痘起漿貫用參芪四聖散漿回痂脫

一 小兒涕唾稠粘大便黑屎此胃經熱毒先君用聖濟犀角地黃湯芹菜汁而痊

一 小兒痘愈後涕唾口乾飲湯腹脹此胃氣虛熱而津液不足也先用人參白朮散二劑後用五味異功散而愈又用參芪四聖散參芪內托散而痊

一 小兒涕唾稠粘痰喘作渴大便不利此熱毒蘊於內用前胡枳殼散一劑諸症頓退又

用濟生犀角地黄湯二劑而愈

前胡枳殼散治涕唾稠涎痰實壯熱胸中煩

悶大便堅實卧則喘急

前胡

枳殼

赤茯苓

大黃

甘草

右每服三錢水煎如身溫脉微并瀉者不可服

按前方若肺實胃熱氣鬱痰滯大便秘結

小便赤澀煩渴飲冷脉數宜用此方以表

散外邪疎通內臟使邪氣不壅滯且痘瘡

輕而易愈

紫草四聖散治痘瘡出遲倒靨或小便赤澀

發熱

紫草

木通

甘草

黃芪

炒各等分

右每服二三錢水煎服加款冬花桔梗等

分名仙聖散

參蘇飲治時氣傷風發熱惡寒咳嗽未明症
症疑似之間此藥最為穩當

前胡

人參

紫蘇葉

乾葛

半夏

茯苓

各三分

枳殼

陳皮

甘草

炙

桔梗

各二分

右水煎服

人參白朮散治胃氣虛弱涕唾稠涎或因尅

伐吐瀉口乾作渴飲食少思

方見屬陰屬陽即七味白朮散

五味異功散

方見寒戰咬牙

人參清膈散

即十六味清膈散

犀角地黄湯

二方見頂陷心煩

四聖散

方見發熱屬陰陽

參芪四聖散

參芪內托散

二方見腹脹氣促

惺惺散

方見

頂陷灰白瀉渴之症九

陳文宿先生云痘瘡出二三日始出如粟米狀或菜豆大似水珠光澤明淨根顆紅者不須服藥若四五日大小不等根顆光澤明淨者亦不須服藥如陷頂灰白瀉渴者服木香散丹溪先生云痘瘡灰白色靜者怯者作寒看燥者勇者熾發者作熱看若初出之特色

白者便須大補氣血參芪芎歸木芍甘草升麻木香丁香瀉渴者加訶子肉豆蔻若白色將靨如豆殼者蓋因初起飲水過多其靨不齊俗呼倒靨不妨但服實表之劑自愈如毒鬱於裏大小便秘者隨通利之竊謂前症不起發不紅活者此因脾肺氣虛用參芪四聖散頂陷灰白瀉渴者脾肺虛寒用木香散異功散若灰白色或痒而膿不貫用紫草四君木

香色赤或痒而膿不貫用紫草木通湯貫而
膿清稀用參芪內托散不應加附子緩則不
救已上危症如出贈痘多有生者

一小兒色淡白痒塌此脾肺氣虛血弱也用
紫草快斑湯參朮各三錢二劑稍應又二劑
紅活起發又用托裡散參朮各三錢貫膿而
愈

一小兒九歲痘色白手足冷此脾胃虛弱用
六君子湯加木香當歸紫草四劑又用參芪
四聖散加參芪各三錢而靨至十七日發熱
煩渴脉洪大而虛用八珍湯而愈

一小兒十六歲痘色白脉虛浮按之甚微而
短形氣倦怠飲食少思此血氣虛弱用紫草
木香散內人參五錢十劑色微赤又用獨參
湯而貫乃用十全大補湯補中益氣湯共用
參二斤餘而靨隨入科舉畢發熱痕痒淡赤

昏倦不食急灌以獨參湯而甦又用斤餘却
用十全大補湯補中益氣湯而安

一小兒痘瘡七日變灰白色手足並冷腹痛
瀉渴先君謂陽氣虛寒用十二味異功散不
信已而飲沸湯不知熱始投前藥二劑陽氣
頓復却用獨參湯參芪四聖散而愈

一小兒十五歲因科舉勞傷元氣出痘色白
貫膿不靨眼閉昏憤飲食與之則食手指輕

不冷重按良久則冷其脉輕診而浮重按
如無不及兩寸此陽氣虛弱而無邪耳用人
參一兩乾薑一錢棗五枚二日進四劑結靨
眼開又二劑其眼常開呻吟不絕再劑却佐
以補中益氣湯二十一日始言但氣短云遍
身痛如錐索食月餘而靨始末悉用前二湯
更無他餌

一孕婦發熱墜胎昏憤遍身見痘灰白色飲

食藥餌到口即作嘔惟灌熱湯則飲之乃擇
壯年婦乳灌之不輟日灌數碗旬餘省索食
云胸腹脹滿此脾氣虛而乳食壅滯令細呷
濃茶半鍾胸滿即寬四十餘日而靨後因勞
心發熱如炙用四君參芪炮薑而痊

一男子年三十發熱頭痛四肢拘急服解表
之藥熱益甚遍身紅點漸成膿窠已灰白此
痘瘡因氣虛耳用參芪四聖散托裡散色赤

靨而靨

一小兒第十日不紅活漿不滿先君謂氣血
虛弱用參芪托裡散數劑出贈痘紅活起發
又用十全大補湯而愈

十一味木香散

木香

大腹皮

人參

桂心

赤茯苓

青皮

前胡

訶黎勒

半夏

去核

丁香

甘草

多各三錢

右每服三錢生薑三片水煎量大小服

十二味異功散

木香

官桂

各三錢去粗皮

當歸

三錢半

人參

茯苓

陳皮

厚朴

白朮

各二錢

半夏

丁香

肉豆蔻

各二錢半

附子

炮去皮一錢

右每服三五錢薑五片棗三枚水煎量大

小服此藥家傳五世累經効驗

愚嘗治癰疽陰症凡雜症陽氣脫陷與寒氣逼陽於外者發熱煩躁口乾作渴投以薑桂附子之類津液頓生煩熱頓退其應如響人但不習而察之耳

八珍湯治痘瘡氣血俱虛者此方主之若因脾氣虛弱而不能生血者宜用異功散

當歸

一錢

川芎

五分

芍藥

炒七分

熟地黄

酒拌

人參

白朮

炒

茯苓

各一錢

甘草

炙五分

右每服三二錢薑棗水煎

豆蔻丸

方見咬牙

內托散

即托裡散方見痘癰

紫草快斑湯

方見大便不通

四君子湯

六君子湯

二方見不醫

參芪內托散

參芪四聖散

十全大補湯

獨參湯

四方見腹脹氣促

紫草木香散

方見大便不通

補中益氣湯

方見寒戰咬牙

四聖散

方見痘出不快

紫草木通湯

方見痘出遲

寒戰咬牙飲水瀉渴之症 十

陳文宿先生云痘瘡六日至七日肥滿紅活
光澤八日至九日肥滿蒼蠟色者皆不須服
藥如身溫氣促口乾肚脹疔冷寒戰咬牙飲
水瀉渴者急用木香散加官桂丁香服之如
不愈服異功散蓋咬牙者齒稿也竊謂前症
若手足並冷渴飲熱湯大便泄瀉者陽氣虛
寒也宜熱補之手足不冷大便秘不利渴飲溫

湯者脾氣虛熱也宜調補之手足不熱大便
不利渴飲熱湯者脾胃虛弱也宜溫補之治
者審焉

一小兒出痘寒戰咬牙四肢倦縮大便自利
手足並冷喜飲熱湯此陽氣虛寒也用十二
味異功散末二錢諸症頓退又用人參白朮
散參芪四聖散而醫

一小兒十四歲面色忽赤忽黑出痘寒戰咬

牙作渴煩熱喜飲熱湯此陽氣虛寒也用十全大補湯散煩渴頓止乃以八珍倍加參芪至膿貫又作渴面赤此膿成而血氣虛也用當歸補血湯八珍湯而靨至月餘面赤煩渴或時昏憤痘痕如赭或時作痒脉洪大按之如無此血脫也用大劑當歸補血湯而安

一小兒痘瘡寒戰咬牙內熱作渴形氣倦怠雖起發而欠紅活此陽氣虛弱也用參芪四

聖散而結痂忽作瀉發熱此脾氣虛也用人

參白朮散參芪內托散而靨

一小兒痘瘡咬牙面黃飲湯此陽氣虛弱也用五味異功散加木香而愈後仍咬牙面赤作渴至夜為甚此脾腎陰虛也用地黃丸大補湯而愈

一小兒膿不貫兼寒戰咬牙腹脹屬脾胃虛弱用四君肉桂歸芪肉豆蔻又用參芪四聖

散而痊後用托裡散四君子湯而靨

一小兒瘁塌寒戰咬牙喜飲溫湯手足不熱屬陽氣虛弱也用參芪四聖散諸症已退用參芪托裡散其漿漸貫用十全大補湯其痂頓靨

一小兒十四歲痘將愈忽寒戰手足並冷脈微細而不及兩寸乃脾氣虛熱用五味異功散獨參湯十全大補湯而愈

一婦人愈後寒戰脈浮大按之微細此血氣虛也用十全大補湯三十餘劑而愈後因勞寒熱往來寒時手足如冰熱時手足如炙脈浮大重按則細此陽氣虛甚也朝用補中益氣湯加桂附各一錢夕用八味丸料倍加桂附各五十餘劑而安

一小兒咬牙作渴面色忽白忽赤脈洪數按之無力左關尺為甚此屬腎虛也用地黃丸

補中益氣湯尋愈後因驚面青目赤呵欠咬牙手尋衣領此肝經虛熱用加減八味丸料煎與恣飲頓安又用補中益氣湯而痊

一小兒咬牙作渴飲冷大便微秘寒戰痘赤多在身側此屬膽經虛熱也用小柴胡湯柴胡麥門散各一劑又用加味四物湯而痊

當歸補血湯治痘瘡血氣虧損或妄服峻劑致血氣俱虛肌熱大渴喜飲目赤面紅晝

夜不息其脉洪大而虛重按全無其症似

宜服白虎湯但脉不長實為可驗耳若服

白虎湯必死

黃芪

炙一兩

當歸

錢二

右水煎徐徐服

補中益氣湯

人參

黃芪

炒

白朮

甘草

當歸

陳皮

各一錢

柴胡

升麻各二分

右薑棗水煎徐徐服

五味異功散

人參

茯苓

白朮炒

甘草

陳皮

右每服二三錢薑棗水煎為末調服亦可

加減八味丸

即六味凡加五味子四兩肉桂一兩

活腎經陰虛

虛火上炎作渴咬牙或口舌生瘡或痰涎

獨參湯

六味地黃丸

加肉桂附子各一兩名八味丸二方見發熱屬陰屬陽

獨參湯

十全大補湯

二方見腹脹氣促

小柴胡湯

方見斑症

十一味木香散

十二味異功散

二方見痘灰白色

八珍湯

柴胡麥門冬散

二方見頂陷灰白

參芪四聖散

方見頂陷心煩

七味白朮散

方見痘發熱即
人參白朮散

保嬰全書卷十七 終

